

# Egei Polhā Taituskōu Nalāma Nei

## Tawale Tā

O Taitus ɛme Juda o mei, sa ta o, ɛme Yesu Kelesukōu damaleyodema, Polbōu de dabai degemōu siadi. Polhā emokōu kuguo kōu nalāma nei kelegebe, ɛme tō tibi sa Kritkōu damaleyodei o sasai wolōu delei.

Sa Krit o sasai kediamē midihō bolōdo ta milōu gadiyo mei kaha degemōu, Polhā Taituskōu, sosikōu widio o kolugi maka degegayede tobou. Haba tabe, odobōu, sobōu debōu, o gisiaibōu, dabai degele idi o sasai bōu olōu fei kediamē midihō bolonōu milōu gamabeedema hehegie tobōu yedei.

Polhā Taituskōu nalāma nei kaha sibige sagai kenōu be o Timotikōu ne nalāma nei.

Dabai kuguokōu be, hū Taitusbe ta dala mei. Tewe o ilo kelege o Sailas ɛ hūbe bolōu, tabe Sailas, tabe Taitus sa degei tawale ili. Kegei degemōu, di o Sailas ɛ dabai degedi, Dabai kuguokōu husōudibe keme Taitus ɛ degedinōu, kenōu si dige keme defeido ta tawale iyo mei.

Kuguo Taitus kōumaha sibige kaha widio tā hiyebe tanōu fei dala.

Taitushā tō tibi sa Krit tie o sasai kedia  
damaleyodei ke dedei sasagieba  
doususuyedei

*(Tā Hiye 1-3)*

<sup>1</sup> Āme Pol, Godihā dabai degedi o, Yesu Kelesuha tā-bolofei-malā-siadi-o. Ē toboū moū, ā sa sa siadibe, o sasaī, Godi yoū makai kediā damaleyodei ke dedeī sasagieba, Godihā tā damaledo ke hehegieiba, o sasaī kediametawaleba, Godihā midihonoū miloū mabadomoū. <sup>2</sup> O koyohā damaleyodema, neledo dege dalali, damaledo tā ke tawaibabe, o keme tofousogo tofousogo tofoloū kene dia dala. Sa sibige koū miloū li mei kelege, Godihā yoū e o sasaībe tofousogo tofousogo tofoloū yodema makai. Da koū tewe, Godihage ogoū ga toboū diyo meido. <sup>3</sup> Kegemoū, sawisiēi yoū koū makai kelegebe, da Mamoū O Godihā toboū moū, ā ile, ē tā ke hehegie toboū moū, ē tā tamā dege dala kuhe.

<sup>4</sup> Ā mā kuguo koū nalāma, Taitus namokoū neli kuhe. Name mā dihiyodili, da fī tanoū dege dalali damaleyodei kahā degemoū. Aye Godiboū, da Mamoū Hiye O Yesu Kelesuboū dilie namokoū habagugueguba, nā bologuado dalayadomoū.

*Taitus nā sosikoū widio o bolodo ilo kele maka*

<sup>5</sup> Āge name tō tibi sa Kritkoū dalamoū toū fogoū ilamoū, nā da dabai degema mei degeligi, sa sa oloū feiya ke, ā afu koū tobou sagaī kege, sosikoū widio o kama maka degega iyedei. <sup>6</sup> Sosikoū widio oyege midihō doudonoū miloū, o sasaīyege ē midihō kasagaī ta miloū ba dugulo iye. Eme sasaī tanoū feī huyede. Ē sisigo Diane oloū feī damaleyodemabeede. Diā midihō kasagaī ta miloū ga iligi, aye adioū dilie tā ta tobekoū mugudama. <sup>7</sup> Godihanoū o ta toboū

moū ile, damaleyodei o sasaī woloū daladi kaha degemoū, o keme midihō doudonoū miloū, o sasaiyege e midihō kasagaī ta miloū ba dugulo iye deba. E yoū e fimaiya kenoū degeleba toto gofoū degedayede. Tigi kolo hueī gofoūdo ke nada, fi totoū degeiye deba. Gofoū degeba, biyadayede. Sele hiyedo moloū tagadayede. <sup>8</sup> Bolofeībe koū gue, o tae e mosokoū hagubabe, feleyedemaba, hohō degeyede. Midihō bolo miloū di kenoū tagayede. Yoū e toū e tagai sagaī kenoū degedayede. Godiha midihō bolofeī kenoū seseyede. Yoū e fimaī keme defeido dia dalayede. <sup>9</sup> Damaledo ta a hehegiedi kenoū dulo seseyede. Kege degeleba, e damaledo tanoū omokoū hehegie toboloū ba dedeī sasagieyede. Haba o ile kele e ta ke dulo i ho fogoū ba, ta gehe gehe toboū babe, ege die ta ke doususuloyode.

*Tō tibi sa Kritkoū be o sasaī kediā damaleyodei ke makodi o sudo deleigui*

<sup>10</sup> Na damaleyodei o sasaī woloū daladi o maka degega i. Yobe, sa Kritkoū be, Godikoū damaleyodei o sudo koū dalaguaye, kenoū si dia defeido dulo sesediyo mei. Dia taenoū toboloū moū, ogoū gai tanoū toboloū ili. O kegele i sudo kediāme Juda o kediā kolo diafigile idi midihō kene sesele idi.\* <sup>11</sup> Dia ta hehegiedamabeedei keme dia sele moloū tagamoū hehegile idi. O sudo, die sosoū boū oloū feī kediāme ogoū gai ta ke dulo sesele iligi, mihikoū fiyasigili. Nage o kediā ogoū gai ta ke hehegie toboloū ili

\* 1:10 1:10 kolo diafigile idi midihō - Na kuguo Galesia 2:3 kaha tawale ta ke duoguoba, haba Galesia 6:15 kene dugu.

ke fogou mabeedema sima tobou. <sup>12</sup> Tewe hiye o, die sa Krit tie o tanou taha kou gue tobou,

Sa Krit o kediamе ogou gai ta tobolou idi o. Gofou degedi midihō, si soye dege kege gofou hiyedo degele idi.

Dabai ta degele idiyo mei. Nale hiyendonou nala idiyode tobou.

<sup>13</sup> O kaha toboube damaledo. Kegei degemou, nage sa Krit tie o sasai kediamokou ta gofou dege egele tobou, Godiha ta damaledo kenou dulo seseleba damaleyodemabeede.

<sup>14</sup> Kegeligi, diame Juda o ei kou guai o kedia tabou, kuolou ta kagei kagei kebou de duye domou. Ta kegei ke hehegie tobou di o kediage damaledo ta keme tobekou muguomou kuhe ogou ga idi.

<sup>15</sup> O ta Godiha dihile kokou sibigibou mei debabe, nale ta kuolou degele mei. Nale sibigibou mei, olou fei bolō, nalenou. Damaleyodili mei o kahanou si, Godiha dihile kokou midihō sibigi degei ke milou ba, bi olou fei sibigibou dalaba, you e fibou, e duledubou de sibigibou dala kaha degemou. <sup>16</sup> Ogou gai egei o kedia tobou dibe, eibe Godi kou teweyode tobolou idiye, kenou si midihō dia milou golu kokou ge di duguo tawalibe, diame Godi tobekou mugulo i odade tawale ili. Kasagai hiyedo, diame o bolō mei, ta dudiyo mei o. Diame midihō bolō ta milolou sagai mei.

## 2

*Odo sobou de kediage Godiha tagale sagai kenou degema*

<sup>1</sup> Nage o sasai kediamokou be Godiha ta damaledo kenou hehegie, dia dulo sesemabeedema. <sup>2</sup> Na Godiha ta

hehegiligibe, kôu gue tobôu, odo diama, fi totôu degedi tigi kolo huei gofôudo ke nadamabeede. Amafei dalaguali, midihô dôudo kenôu milôu gama. Diou die tôu e tagai sagai kenôu degedamabeede. Diame Godiha ta damaledo kenôu dulo sesele iligi, omokou solou do degeba, neledo dege dalamabeede.

<sup>3</sup> Nebe kenôu tefele, sobou de kediane Godiha tagale sagai kenôu degele dalamabeede. Tobe tobou damabeede. Fi totou degedi tigi kolo huei gofouodo nadamabeede. Midihô bolô kenôu hehegiemabeede. <sup>4</sup> Kegei degemou, sobou de kediage sasaido ilo kedia die mabou die sisigobou keme solou do degemabeedema hehegie tobou mabeede tobou. <sup>5</sup> Kegeligi, diou die tôu e tagai sagai kenôu degeleba, Godiha dihile kokou sibigi ta deleiye deba. Die mabou sisigobou olou fei dia dalali, midihô bolofeinou diamokou milou gamabeede. Die maha ta ke dulo sesemabeede. Kege degeibasi, Godiha tabe oe susuga tobolou sagai dugulo mei.

*O gisiai kediage Taitusha midihô bolô milôu gouba ke duguo sesema*

<sup>6</sup> Nebe kenôu tefele, na o gisiai kediamokou hehegilebe, Diane diou die tôu e tagai sagai kenôu degedamabeede. <sup>7</sup> Na kagei kagei ta degelababe, midihô bolonou milou, o gisiai kedia duguo sesemabeedema. Na Godiha ta hehegie tobolou gibe, ogou gai ta kasagai dege tobolou ba yada. Godiha ta bologuado hehegie tobou de. <sup>8</sup> Na ta damaledo kenôu hehegie tobou basi, ho oe namokou ta tobolou mei. Damaledo, na ta dou donou tobou babe, damaleyodili mei

o kedia ta gofou dege sima tobolou mei, dia sidifi degele ile.

*Dabai degele idi o kedia die boseha ta dulo sesema*

<sup>9</sup> Nage Godiha tabe kou gue hehegie tobou, dabai degele idi o kediage die boseha tobolou be defeido dulo sesemabeede, die boseha duguu tagayedema. Kegeligi, dia gofou dege die boseha ta ke sima tobouye domou.

<sup>10</sup> Die bose dia bimai ke hiyou moudamabeede. Hiyou mou ho fogou basi, bose kediage diame hiyou mouidiyo mei o sasidade tawale, di Mamou O Godiha ta, di hehegiendi keme ta bolododade tawale ile.

*Dige Godiha midihou kenou milou gaba, Kelesuha haguale sawisiei kenou dia dalaguame*

<sup>11</sup> Di tewe, Godihage o sasai olou fei kedia habagugueimou, e solou do degedi midihou ke kuhe tama degei. Solou do degedi midihou kokou ge di tawalibe, Godihage o sasai olou feibe sasale mamolounou dadele ili. <sup>12</sup> Godiha di habaguguemou, e mamouidi midihou ke dimokou hegili kaha, di e tobekou mugudi midihobou, sa sibige kou tagadi midihou kasagai bou olou fei keme tou fogou mabadomou kuhe hegili. Damaledo, dibe sa sibige kounaha o sasai bou de suluguadiye, kenou si Godiha di habagugueiba, di tou e tagai sagai kenou degeiye domou, you e midihou ke milou gamabadomou kuhe hegili. <sup>13</sup> Kege hehegiemou suluguali, di Mamou O Yesu Kelesukou damaleyodema, e hohou hiyedobou de haguale ke dia dalagua. Eme di Hiye O Godi. <sup>14</sup> E di dowoye tolo i, di mamalaba, di Godiha ta dulo idiyo mei

kaha hebe keme igiseiba, dibe you e o sasai, sibigibou mei degeba, gehenou dalaguali, midihō bolodo milou gale kenou tagale imabdomou.

<sup>15</sup> Ta, a kou le nalai ke defeido hehegie tobou. Godihage name ile e ta ke hehegieyedei kaha degemou, na gue degeda, damaleyodele i o sasai kediamokou dedei sasagieba, egele tobou. Oe ne ta ke kasagaiyodeibane hobou duguo fogou da.

### 3

*Godiha dimokou midihō bolō ke hegi degemou, dige midihō bolō kenou milou me*

<sup>1</sup> Na Godiha ta hehegie tobolou gibe, o sasai diamokou kou gue tobou, nime gamani obou, die dabal degele idi obou olou fei kedia ta ke dulo seseleba, ama dalali, midihō olou fei bolō kenou milou laba degemabeede tobou.

<sup>2</sup> Susuga tobolou ba, tae biyadamabeede tobou . Amafei dalali, omokou niou sie huyafei degemabeede tobou.

<sup>3</sup> Na tewe, afuge di olou feibe totou dege dalaguali, Godiha ta ke dulo sesele ili mei. Dibe Tamaha ogou gai kaha midihō kagei kagei ke milou ga idi. Damaledo, di tou e tagadi midihō kasagibou, gofou degedi midihobou, kona degedi midihobou olou fei ke milou ga idi. Di diyou sie yogokou dafoumou dafoumou dele i.

<sup>4</sup> Kenou si, di Mamou O Godiha di solou do degemou, midihō bolodo ke dimokou hegimou tama degeimou, <sup>5</sup> e di mamou. Di midihō bolofei milou gadi kaha degemou, e di kuhe mamou li mei. Ege di solou do degemou

kuhe mamou. E di bigi kaha degemou, dibe dihi die, e adiou ha ebeledo mala felei ke sagai degema, Duo Bolofeiha degeiyenou di gehe degei dalagua kuhe. <sup>6</sup> Duo Bolofei eme Godiha tobou mou hagua, di wolou dalamou, neledo dege dalagua, di Mamou O Yesu Kelesu eme ebukou haguei kaha degemou. <sup>7</sup> Kegemou, Yesu Kelesuha di habagugueimou, di Godiha dihile kokou doudonou dalaguali, fi tofousogo tofousogo tofolou ke molou ke dia dalagua. <sup>8</sup> Ta a nalai keme dige damaledodade tawame.

Na Godiha ta ke hehegilebe, a nalai koume defeido tobou. Damaledo, Godikou damaleyodele i o sasai kediamе midihou bolodo keme defeido milou gamabeede tobou. Midihou keme o sasai dogou gudi midihou bolodo. <sup>9</sup> Kenou si, kou guai o kedia hubou, Moseshu kuolou ta kaha yobou olou fei kokou tae biyaba gegadamabeede tobou. Tae biyadi kamahage di ta dogou gudiyo mei, sibige mei.

<sup>10</sup> O taha nime di egei dudi ke tou fogou ba, egei gehe dumabeedeibabe, nage o kegei keme egele tobou. Haba o kaha ta ke ta du ho fogou babe, haba egele tobou. Haba egele tobou kene ta du ho fogou babe, nage o keme mou duguo fogou. <sup>11</sup> O kegei keme a defega sulu, midihou kasagai milou mou sulugi e yousie makolamou degeli.

### *Polha Taitusbe e dugu haguayedei*

<sup>12</sup> A o Artemasbou, o Tikikusbou dilie tanou ta tobou ba namokou ile foloubabe, na hobou mosoda, sa Nikopoliskou amokou toto hagua. Yobe, sa kulio degedi



kelegebe, ame kele dalali makai kaha.\* <sup>13</sup> Kuolou yo du o Senas dilie, o Apolos dilie, sa takou yalaba degele ibabe, nalebou bibou ali duo kilege mei degeiye deba, nage diliebe defeido dogou gu.

<sup>14</sup> Da mogo diame solou do nedi midihō defeido milou ba tawamabeedema hehegieme, o sasai ilo kele bi mei degeiye deba. Kegeligi, damaleyodele i o sasai kedia Godiha midihō milou ho fogou ba, die damaleyodei sibige dege ho fogouye deba.

<sup>15</sup> O sasai olou fei, abou de kou le dalagua kediage namokou agali bolofeyode tobolou ili. Ei mogo dia, Yesu Kelesukou damaleyodele i, sa na dala kele tie kediamokou agali bolofeyode tobou.

Godiha habagugueibe ni olou feibou de dalale.

---

\* 3:12 3:12 Sa kelege, sa kulio degedi kelegebe, wibou haguadi kaha, mosoleya sulugualebe hagi hiyedo. Kegei degemou, Polha Taitusbe toto kuhe haguayedei, wi hiyedoye e haguale ke akoguye domou.

Godihā Tā Bolofei

Konai: Godihā Tā Bolofei New Testament

Nupela Testamen long tokples Konai long Niugini

copyright © 2014 Wycliffe Bible Translators, Inc.

Language: (Konai)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 14 Jun 2022 from source files dated 28 May 2022

8c47cab8-fc6e-524e-936f-c52eba70db94